

Ленинэнь киява

ВЛКСМ-нь Мордовской обкомонть ды Саранскоень ошонь комитетэнь газетаст

СЕНТЯБРЯНЬ

23 чя,

1937 иэ

№ 109 (788)

ЛИС:

7-це нө
чинь ютазь

Педепев лангс таргсемс народонь врагтнэнь

Сентябрянь 17-це чистэ Кабай велень средней школанть комсомольской организациясь ютавтсь промкс, козонь сакшиность 11 комсомолецт. Толковазель вопрос народонь врагтнэнь подлой роботадост. Промксось ютась виев критика марто ды таргазь лангс народонь врагтнэнь пособникт. Полякова, сонзэ мирдзэ ды Константинов пек ульнесь сюлмавозь народонь оголтелой врагтнэнь Нуянин, Мужиков ды Чиряскин марто.

Поляковань Мужиков аравтокшнызе колхозонь ревизионной комиссиянь председателекс, штобу седе паро улелель саламс колхозной имущества, но те тевесь ульнесь таргазь лангс ды Полякова панезь ревизионной комиссиянь председателствэ.

Полякова пек ризнась сень кисэ, кода Мужиковонь ды Чиряскинэнь ловизь народонь вражокс ды арестовизь. Полякова те шкас яла роботы школасонть завучокс ды ронось лови сонзэ эйсэ „а полавтовикс роботникекс“.

Заткина М. Е. пек сюлмавозель Чиряскин марто ды ламо тейнесь контрреволюционной выступленият ды позорясь пролетарской писателствэнь. Те тевденть тонавт-

ниятне ламоксть кортнесть обшей промкссо, но народонь врагтнэ Чиряскин ды Святкин те тевенть лепштизь. Полякова, Чиряскин ды Мужиков марто сюлмавозель аволь учительской тевтнень кувалт, но вредительской тевенть кувалт. Полякова сентябрынь 10-це чистэ учительской совещаниясо эзь мере участвовать комитетэнь секретарентень Инжеваткинэнь, секс, што сон пелсь седе, што Инжеваткин карми кортамо сонзэ кувалт.

Константинов, комитетэнь икелень секретаресь, кона истя жо пек сюлмавозель народонь врагтнэнь марто, ематнинзе комсомольской тевтнень ды мезеяк эзь макс одс кочказь секретарентень Инжеваткинэнь.

Комсомолецтнэ пек критиковасть комитетэнь роботанть, секс што сон эзь ветя аволь союзной одломантнень ютксо культурно-воспитательной работа ды комсомолс совамонтень анокстамо. Истяжо арась работа пионернэнь ютксо, арась аравтозь вожатойть. Комитетэсь эзь вано сень лангс, што школасонть келейгадокшнось шовинизмась.

Я.

Белорусской военной округонь маневратне

Маневратнес сась оборонань Народной Комиссарось Советской Союзонь Маршалось—
К. Е. Ворошилов ялгась

Сентябрынь 21-це чистэ ушодовсть Белорусской военной округонь маневратне. Боецтнэ ды командиртнэ максыть масторонть икеле экзамен иень перть эсист боевой ды политической тонавтенемантень. Кода лия округтнэсэ учениятнесэяк, Якстере армиянь частьне, конат советь Белорусской Военной округонтень, невтить социализмань масторонть касыця виензэ, Якстере Армиянь несокрушимой крепостенть—родинантень ды ине вождентень Сталин ялгантень преданностензэ, фашистской ордактнэнь уничтожающей ударонть максома анок-чинть, бути сын (фашистнэ) смелгадыть каявомс Советской Союзонть лангс.

Парсте ды кенярдкс марто вастсть боецтнэнь эйсэ маневратнень районь эрицяне эрва ошсо, эрва колхозсо сынст учось паро вастома.

Маневратненень сась Оборонань Народной Комиссарось Советской

Союзонь Маршалось К. Е. Ворошилов ялгась. Народной Комиссаронть марто вейсэ састь РККА-нь генеральной штабонь начальникесь 1-це рангонь командармась Шапошиков ялгась ды КП(б)Б-нь ЦК-нь секретаресь Волков ялгась. Оборонань Народной Комиссаронть Ворошилов ялганть самодо кулянт куроксто маризе маневратнень районось. Оштнэ, рабочей поселкатне, колхозтнэ мазылгавтозь лозунгтнэсэ ды транспортантнэсэ. Населениясь псисэ приветствует эсист родной Якстере армиянь ды железной Наркомонт К. Е. Ворошилов ялганть.

Чинзэ перть—сентябрынь 21-це чистэ—Ворошилов ялгась ульнесь частьнесэ, конат примасть участия маневратнесэ, парсте проверясь сынст боевой роботаст.

Маневратнень районс састь латвийской, литовской ды эстонской армиятнень делегациятне.

Тонавтить СССР-нь Верховной Советс кочкамотнеде Положениянь

Покш Березникень район. Косогор велень аволь полной средней школань 7-це „А“ классонть учениктнэ тонавтить СССР-нь Верховной Советс кочкамотнеде

Положениянь. Тень кувалт беседат сынст ютксо ютавтнн классной организаторось Д. С. Кротов ялгась.

Ник.

Нациятнень Лигань пленумсо Литвинов ялганть валозо

Женевасо (Швейцария) заседает нациятнень Лигань пленумось. Пленумсонть сентябрынь 21-це чистэ покш вал марто выступил СССР-нь васень делегатось омбо мастортнэнь марто Тевтнень ветиамонь коряс Народной Комиссарось М. М. Литвинов ялгась.

Эсинзэ валонзо Литвинов ялгась ушодызе указаниястонть, што ютазь иенть перть агрессиясь седеяк верьгакс кепедизе принзо, эшо седеяк наглоистэ невти безобразной лицянзо. Кавто государстватне, Лигань ды Советэнь кавто члентнэ—Испаниянь ды Китаенть лангс кепедезь омбо масторонь военной вийтнень нашествия. Нациятнень жо Лигась, кона тердэз ванстамс миранть, каднови событиятнеде веено, а реакирови сынст лангс.

Те чатьмонемась толковави сеньсэ, корты Литвинов ялгась, што ули ильведьксэнь мель седе, што нациятнень Лигась не может бороямс агрессиянь каршо, буто секс, што сонзэ эйсэ ай-аштить агрессиянь чумоте. Кой-конатне арсить, што агрессиянь каршо бороцямоь может улемс успешнойкс эсинзэ агрессоронть марто сотрудничествасо, Лондонской комитетсэнь кода мерить невмешательствань истямо сотрудничествань фактонть лангс невтезь, Литвинов ялгась корты, што испанской трагедиянь чумотне эзизь лоткавти интервенциянь, но, мекев лангт, виемгавтсь сонзэ.

3 государстват явсть мирэнь идеянь эйстэ ды меельс иетнень перть тейнесть кайсеемат лия государстватнень лангс. Агрессиянь оправданиятень весе сынэвтинь вейке секе жо мотивенть: коммунизманть каршо бороцямо. Неть государстватне кенгелязь, што сынст савсь эсист собственной мастортнэсэ маштомс коммунизманть, наяз эцнить лия народтнэнь внутренней тевтнес ды сынст распоряжениясо уликс военно-воздушной, сухопутной ды иневедень весе вийтнень лезксэст коряс уставашныть буто лия мастортнэсэ коммунизманть маштомо.

Фашистской государстватне яволятнить, што Испаниясо войнанть ветязь, сынэ Испаниянь менстить коммунизмадонть. „Но республиканской Испаниятень антикоммунизмань эрва кодамо толковамось,—яволявсь Литвинов ялгась—а лади секс, што тосо коммунистической строй арасель ды арась ды што, кода минь содатано, испанской народось бороци эсинзэ республиканско-демократической режименть ванстомазо кис, реакциянь ды военной диктатурань вийтнень каршо“.

Китаенть лангс каявомась моли истяжо коммунизманть каршо бороцямоь лозунг ало.

Седе мейле Литвинов ялгась мерсь, што тешкстазь агрессиянь последующей оправданиянь цельсэнь Европань кой-кодат мастортнэ уш шкадо икеле яволявтозь большевизированнойкс, эли большевистской влиянианть алов понгозекс.

Антикоммунистической лозунгтнэнь вздорностесь чаркодеви. Шка уш путомс пе агрессиянь опасной

агитационной те оружиятнень.

Седе тов. Литвинов ялгась корты, што „фашистнэ—человеко-ненавистничествань азаргадозь проповедниктнэ—а смеить ратовать человечествань интереснэнь кис, што сынэ—язычествань ды средневековьянь сехте дикой, отживший теориянь воскресительтне—а смеить кортамс неень шкань Европанть пельде, што сынэ—человеческой духонь сехте вадря произведениятнень пултициятне, наукань, искусствань ды литературань сехте вадря представительтнень панциятне, весе культурной мирсэнь презираемойтне, тейнить эсь прятпейдемакс, зардо кортыть цивилизациянь ванстамо до ды тердитень туртов лия народтнэнь каршо крестовой походтнэнь“.

Мирэнтень угрожатнеде ней кортамс а сави, секс што мирэсь уш колазэ. Апак яволявто войнась моли кавто контингентнэва ды сонзэ отзвуктнеде ды отражениядонзо стака содамс икеле.

Минек ули тердеманок, корты Литвинов ялгась, Лигань кавто члентнэнь агрессиянь жертватненень лездеамо. Те тердемась Лиганть аравты покш испытания икелев. Мон кеман, што нациятнень Лигась течинь сонзэ составсонть как может максомс кода Испаниятень, истя Китаентеньгак седе виев лезкс сень коряс кодамо неть мастортнэ скромнасто вешить сонзэ пельде ды теньсэ сон аволь ансяк а виевгавтсьвзе, но вишканьгавтсьвзе международной од осложнениянь шанстнэнь. Минь рискуем ансяк тердемс международной течинь хаосонь чумотнень мель-апарост ды паряк мик пек покш мель-апарост.

Литвинов ялгась критиковинзе сеть ломантнень, конатне арсить, што агрессиянь эйстэ сехте паро менемс уступкатнень коряс. Но нациятнень Лигась эри аволь сень кис, штобу тейнемс уступкат агрессортнэнь ды кадновомс пассивнойкс. Международной конфликтынэ пингстэ Лиганть пассивностезэ ульнесь зярый иеде икеле Абиссиниянь лангс каявоманть последствиякс. Лиганть пельде Испаниятень лездеамоь колаткак мерань а примамось поощрил Китаенть лангс од атаканть. Истямо ладсо 5 иес ульнесь 4 агрессият. Агрессиясь, бути сонзэ а лоткавтомс, ютни вейке материктэ омбоцентень, эрва разнэ яла седеяк покшолгадозь. Омбоце ендю, мон пек кеман, што агрессиянь вейке случайстэнь Лиганть решительной политиказо менствалимизь бу минек весе остатка случайтнестэ.

Предупреждать агрессиянь,—мерсь валонзо прядомсто Литвинов ялгась,—можна ансяк агрессиятень коллективной отпорсо, мирэнь коллективной ванстомасо, кона весе минек пек эрви ды конань паросонзо минь весе кармавано пользоваться.

(ТАСС).

Куркинэнь тевтнеде

Мокшэрзянь рабфаконь директорь А. И. Куркин кеместэ ульнесь сюлмавозь народонь оголтелой врагонть, МАССР-нь просвещения икелень наркомонт Вождаев марто, ды сонзэ влияниязо коряс Куркин ветясь подлой робота. Вождаев марто сын ламоксть симнесть винадо ды симезь сон ламоксть якась студентнэнь юткова общежитиява ды а весть якась иредестэ занятиявгак. Куркин ловсь студентэкс комсомолонь комитетнэ секретарентэ Зубковонь ды сонензэ пандсь 72 целковойть стипендия. Зубков жо студентэкс зярдояк арасель. Те стипендиядонть содыль завучось Семенов ды бухгалтересь Баландин, конатне кортнекшнесть Куркин марто, но сон отечиль: „Мон азорось, мон отечан, тынк теვენк арась“.

Куркин кирдсь эсинзэ кондымо бездельник завхозокс Таракановонь, кона марто тейнесть фиктивной документт, штобу манязь получаамс банкасто ярмакт. Винадо симимаст ды теვენть преступной отношения кувалт эзизь анокста рабфаконь зданианть ды общежитиянть тонавтимань одиентень. Сын минзь рабфаконь велосипедэнь, 150 целковойде, кона ульнесь рамаз 500 целковойде.

Куркин Таракановонь зарплатанзо кастызе 250 целкойс, эрволь жо ансяк 200 целкойс. Куркин эрва кода сейсь военной тонавтиманть, эзь нолдтне средстват военной пособиянь рамамс. Тонавтимань ютась иестэнь сон тонавтимене примась эсь роднят испытаниявтом, конатнень арасельть эрвикс знаниясткак, (Фабриков, Ежов), секс тонавтнесть беряньстэ ды сын удалов усксть лия тонавтицятненьгак.

Рабфаксо ульнесть народонь врагт: Мамаев, Белоклоков ды сынст марто пек сюлмавозель Куркин.

Неть безобразиятнень лангс таргизе рабфаконь партийной организациянь промксо ды Куркинэнь панизе ВКП(б)-нь членстэ.

Сентябрянь 15-це чистэ преподавательской составось студенческой промкссо пек седей мариль Куркинэнь, зярьдо студентнэ лангс таргильть сонзэ зыянов теვენзэ ды кой-кона преподавательне примеркс, А. С. Васильев, кортасть, што Куркинэнь нельзя ловомс народонь врагоскак, вредителеккак. Васильев сонсь кеместэ сюлмавозь Куркин марто ды паряк Вождаев мартояк. Эряви нейке жо провелямс преподавательской составонть ды лангс таргамс кода народонь врагтнэнь, истяжо сынест пособиевиктнэнь.

К.

Зярьдо сыть ГТО-нь значоктне?

Кабай велень полной средней школань ламо тонавтицят тонавтимена 1936-1937 иестэнь максокшнызь „ГТО-нь“ значоктнень лангс норматнень.

Физкультурань руководителесь Шабаев пурнакшнось значоктнень рамамс ярмакт ды те чис яла учить, значоктне яла арась.

И. А.

Дубенкань р-н.

Музыкально-драматической училищасонть безобразиятнеде

*Саран ошонь музыкально-драматической училищасонть безобразиятнеде „Ленинэнь киява“ газетась печатась уш сигналт. Но икелень директорось Яковлев, кона прясто-пильгс тапарявсь народонь врагтнэнь марто, неть асатыктнэнь маштомаст коряс кодаткак мерат эзь прима. Сон эрва кода бажась, штобу беряньгавтомс студентнэнь эрямонь ды тонавтимань условияст.

Борисов юнкорось миненек сермады: музыкально-драматической училищась чопода, перьканзо вализь кевть, эрва кодамо мусор. Музыкальной инструментнеде башка мезеяк арась, стенатне нусманят, аволь приветливойть.

Класнэсэ арась минек вождтнэнь портретэст. Арась плакатат, революционной лозунгт ды лият.

Седе тов Борисов ялгась сермады, што студентнэнь культурно-политической уровеньнень кепедемась ашти пек алкине таркасо. Училищасонть арась кодаткак газетат, журналт. Национальной газетатнень кувалт кортамскак аместь, сынст Яковлев эрва кода игнорировась, сень лангс апака вано, што студентнэнь ютксо 60 процентэ ламо мокшот ды эрзят. Студентнэнь культурной обслуживаниянть ды политической уровеньнень кепедеманть лангс Яковлев вансь преступно, сон сознательно алканьгавть студентнэнь политической уровеньнест. Комсомольской организациянь ульнесь инициати-

вазо путомс пе вере евтазь асатыктнэнен, те инициативанть директорось лепштысь, эзь нолда теьс ютавтом.

Борисовонь сермасо евтазь: „улить организовазь кружокт: литературной, киштемань ды лият, сын кодамояк робота а ютавтыть, секс, што училищасонть пек беряньстэ кирдит кружоктнэнь авторитетэст. Неть безобразиятнень маштомо кияк эзь снартне, директороськак, искусствань теვენь коряс начальническикак—Баранов“.

Эряви меремс, училищась тонавтимена иентень аволь анок, сентябянь васень чистэ те чис сязе занятиятне сезневить, секс што 6 дисциплинань коряс асатыть преподавательть. Директорось сознательно сейсь национальной искусствань кадрактнень анокстамо теьвенть.

Комсомольской коллективесь а весть таргсинзе лангс Яковлевонь вредной теვენзэ, но искусствань теვენь коряс начальнически—Баранов, кодаткак мерат эзь прима, сень лангс апака вано, што содась весе теьтнеде. Кода комсомолонь комитетэсь стаятызе вопросонть Барановонь икелев большевикекс, решительнойстэ, што директорось ютавты вредной теьт, сестэ ансяк Яковлев панезь роботаство, но теьт эйсь теьтэсь эзь прыдово. Муз-драмучилищанть эряви серьезной лездемо, штобу нейке жо парсте аравтомс тонавтиманть.

В. Водясов.

Местькак а тейница комсорг

Дубенкань район. Сайне велень „Од мода“ колхозонь комсомольской организациянь комсоргось Н. И. Ярославкин стувтызе комсомольской роботанзо. Организациясонть арась организовазь политзанятиянь, ОСО-нь, МОПР-нь ды лия кружокт. Овси апака ладя культурно-воспитательной роботась комсомолетнэнь ютксо, кодамояк робота а ветить од ломантнень комсомолс анокстамонь коряс.

Комсомолонь райкомось ды сонзэ секретаресь Шишкин кодамояк лезкс а максы ды зярьдок сон эзь ульнесь Сайне велень первичной комсомольской организациясонть.

Ярославкин.

Анокстыть комсомолс совамо

Косогоронь аволь полной средней школань комсомолетнэ тонавтинизь ВЛКСМ-нь ЦК-нь IV-це пленумонть решениятнень.

Комсомолетнэ ветить робота покш пионертнэнь комсомолс анокстамонь коряс, толковать тест Ленинской комсомолонь программанть ды уставонть. Комсоргось Пивцайкин пионертнэнь ютксо ютавти беседат капиталистической мастортнэсэ од ломантнень стака эрямодост ды героической борцямодост. Советской Союзонь избирательной од закондонть ды лият.

Н. Мокшов.

Покш Березниконь район.

Мекс Кенде велень комсомолетнэ озныть пазнэнь

Дубенкань район. Кенде велень комсомольской первичной организациясонть арась политико-воспитательной ды антирелигиозной робота.

Комсомольской промкссо, од ломантнэнь ютксо вестькак арасельть докладт, лекцият религиянь зыяндонзо. Секс велесэнь ламо од ломанть понгонить церковникт-

нэнь влияния алов, кемить пазнэнь. Ды аволь ансяк од ломантне, сынськак кой-кона комсомолетнэ Демкин Иван, Никитин Петр, Русский Петр ды лият—озныть пазнэнь. Сынст кудосо улить пазават, сын чекить. 12-це чистэ Русский комсомолетэсь Гульшова велесэ лемдизе эсинзэ эйкакшонзо.

Д. П.

Пасиба ине Сталиннэнь

Пенгилей велень „Большевик“ колхозонь колхозницатне П. Цыганкина, О. Федоськина, Е. Федоськина ды Е. Чернова, конат триь-кастыть сисемь-сисем эйкакшт,—государстванть пельде омбоцедэ получасть пособия, эрвась кавто тыщят целкойс.

Неть колхозницатнень покш эйкакшост тонавтинить школос.

Ярмактнэнь получаамс колхозницатне евтасть покш пасиба ине Сталиннэнь.

В. Сухарников.

Чамзинкань район.

Тонавтинить винтовканть

Покш Березниконь район Шугурова велень Калинин лемсэ колхозсонть вадрясто аравтозь клубной роботасть. Клубось эрва чокшнэ эрси пешксе колхозниктэ, од ломанде, конатне кунсолотшнэнь радио, патефон, ловныть газетат ды журналт, налксить шашкасо.

Осоавиахимень организациясь колхозниктнэнь марто ютавти занятият, тонавтинить винтовканть.

П.

Арась преподавательть

Покш Березниконь р-н. Шугурова велень полной средней школанть а сатыть литературань, рузонь ды немецкой кельтнень преподавательть.

Занятиятне эрсит чистэнь 2—3 част, расписания арась. Директорось теьт кувалт мезькак ай арси.

Ф. П.

Чумондомс эсь эйкакшост лангсо наргицятнень

Чамзинкань район. Пянгилай велень колхозникс Сайгин Филипп Семенович эсь родной черанзо Гришань панизе кудосто ды мезеяк тензэ эзь максо.

Сайгин урваксь од ни лангс, кона пек нарьги весе эйкакштнэнь лангсо. Гриша юткост седе покш, сонзэ сех пек чавность, мурнесть, кадныльть вачо, а максильть паро оршамо-пель ды зверствась пачкодсь сенень, што Гришань овси панизь, мезеяк тензэ эсь максо. Гришань ульнесь мелезэ тонавтимен Мокшолонь аволь полной средней школасонть но школань директорось Новиков сонзэ эзизе прима секс, што сонзэ лангсо одижась пек берянь.

Гришань беряньстэ эрямодонть содыть районной организациятне, но те шкас сын мезеяк эсть тее. Пянгилень комсомольской организациясь Гришань примизе комсомолс ды сайсь обязательства совензэ максомс лезкс.

Комсомольской организациясь ламоксть кортнесь велень Советнэ председателентэ Сухарников ды колхозонь председателентэ марто, но сын мезеяк истяжо эсть тее, ды эряви эшо меремс, што Сухарников вообще роботанть таркас чинек-венек сими винадо.

Пивкин.

Редакциянь пельде. Кемдяно, што Чамзинкань райононь прокурорось нейке-жо вансы те теьвенть ды прим эрвикс мерат Сайгин Гришань лангсо наргицятнень марто.

Клубось ды парткабинетэсь яла пекстазь

Дубенкань район. Кенде велесэ ули парткабинет ды клуб, конатнень заведующеесь Русский, сон-жо парторг кодамояк робота сон а вети.

Клубось ды парткабинетэсь свал аштит пекстазь. Парткабинетэсэнь ансяк 15 книгат, конатне ускозь 1930 иестэнь. Ули радио, кона цела ие уш а роботы, секс што сонзэ эйкакшт тапизь. Ульнесть музыкальной инструмент: гитара ды 2 балалайкат, конатнень истяжо тапизь.

Потешкин.

Ине праздникентень Предоктябрьской социалистической пелькстамо

Октябрьской Социалистической Ине революциянь 20-це годовщи-
нантень достойной востомань ано-
стаз, стахановецтне невить робо-
тань пек паро образец.

Донбассо сентябрьн 17-це чис-
те „Донбас-антрацит“ трестень
шахтатнесэ 200 ламо стахановец
топавтыз угледобычань коряс ко-
вонь кис программанть. Коммуни-
стэнтэ навалотбойщикенть Ха-
рыбин ялганть бригадась („Извест-
тиянь“ лемсэ шахта) роботамонь
14 читвень перть ковонь програм-
манть топавтызе ламодо седе вель-
кка. Секе жо шахтанть знатной
бурильщиктне Великанов ды Сте-
панов ялгатне сентябрьн 19-це
чисте пробурили эрьвась 8,5 мет-
рат (заданиясь 0,45 метрат).

Челябинской ферросплавной за-
водсо предоктябрьской пелькста-
мосонть икеле молить плавильщи-
кенть бригадатне. Теплухиялганть
бригадась сентябрьн 15-це ды
16-це читвестэ солавты 2200 ки-
лограмм ферровольфрам эрьва
чистэнтэ (нормась 1.033 килог-
рамм).

Азербайджанонь хлопковой пак-
сятнесэ келейгавтоз предоктябрь-
ской пелькстамось шкадо икеле
урожаенть урядомонть ды госу-
дарстванть максоманть коряс.
Хлопкак кенерсь малав эрьва ку-
ва, урожаесь пек вадра. Агдаш-
кой райононь колхозтне, конат па-
ро мельсэ кастась хлопчатни-
кенть, макссть вал планонть коряс
10 тышат тоннатень таркас мак-
сомс государстванть 15 тышат
тоннат сырец, государственной за-
даниянь целанек топавтомс Соци-
алистической Ине революциянь
20-це годовщиантень. ТАСС.

Тонавтниятнень ютко шкадост

Покш Березникень район. Шу-
гурова велень средней школосонть
переменатне ютнить аволь орга-
низованно, эйкакшнэ кува понгс
кузнить, чийнить ды бороочить.

Школаны директорось овси а ме-
лявты сень кис, штобу организо-
ваннойстэ, парсте ютневельть, пе-
ременатне. Тонавтниця.

Анокстыть Октябрьской читненень

Октябрьской Ине революциянь
XX-це годовщиантень Красный
Узел станциянь вагонно ремонт-
ной пунктонь робочейтне-стахано-
вецтне кармасть анокстамо произ-
водственной подаркат.

Слесарь-стахановецесь комсомо-
лецсь Кудрявцев Петя норманзо
топавтни 202 процентс. Сон макссь
вал Октябрьской читненень пла-
нонь топавтнеманть кастамс 250
процентс, механической цехень
робочеесь, комсомолецсь Киреев
ялгась—150 процентс.

Вагонно-ремонтной пунктсонть
ули панжозь якстере уголок, ор-
ганизовазь фото витрина, косо
улить невтезь стахановецтне.

Райцентрасонть панжовить со-
циалистической культурань одс-
теезь кудо ды районной библиоте-
ка. Сокультурань кудосонть
драмкружокось аноксты пьеса,
оркестрасть теи покш концерт на-
родной ды неень моротнестэ.

Ромоданово.

Косто рамамс учебникт

Чамзинкань средней школанть
тонавтниятнень а косто рамамс
учебникт. А весть ульнесь мак-
сомь заказ ОГИЗ-энь районной от-
делениянь заведующеентень Ари-
нушкинанень, штобу сон усковоль
учебникт, но те заказонть лангс
кияк а ваньяк. Ив. Симдянов.
Чамзинкань район.

Эрзянь седикилень народной моро

Вай, эрзя, эрзя

Вай, эрзя, эрзя, тон сюлав эрзя,
Вай, эрзя, эрзя, тон козяв эрзя.
Мезеде, ялгат, эрзясь пек сюлав?
Мезеде, ялгат, эрзясь пек козяв?
Сон аволь, ялгат, сюлав паксява.
Сон аволь, ялгат, козяв сурова.
Сонзэ, ялгинеть, ламо цераanzo,
Сонзэ оинеть ламо тьяканзо.
Цера тьякава сон, ялгат, сюлав.
Мазый пакава, вечкевикст, козяв.
Кода эйдензэ ульнеть

вишкинеть*
Кода пакшанзо ульнеть
эйкакшокс,

Сестэ, вай, ялгат, эрзясь

нужасоль,

Сестэ, вай, оят, эрзясь горясоль.

Касокшность сисем сонзэ

цераanzo.

Касокшность сисем богатырензэ.

Сонсь сыредекшнэсь сюлав

атине,

Сонсь ормалгалесь козяв эрзине.

Пире куншкосо сон мадэзь

аштэсь,

Тикшене лангсо сон оймазь

аштэсь.

Ваксозонзо мольсь сонзэ

приставось,

Малазонзо молсь сонзэ покш

пекесь,

— Стяка, стяка, тон, нузяксов

ломань,

Кепедевтя, тон, целаконь

шайтян.

Содасак мень кис мон тондеть

токинть?...

Содасак мень кис тече тондеть
сынть?...

— Аздатам, пристав, мень кувалт
якат

Аздатам, пекев, мень маштыксэкс
сыть?

Тондеть сынть, эрзя, салдатонь
мельга,

Тондеть сынть, нузякс, эйкакшот
кисэ.

Ламо тонь цера кудо перькава,
Ламо ярысят столенть эшкевал

Сисемстэ колмо салдатокс

туить,
Сисемстэ колмо армияв молить.

— Вай, мон, а макссынть эсинь
тякиненъ.

Тынденк а макссынть эсинь
эйкакшон.

— Силой сайсынек тонь азарсь
кисат,

Нельгезь-нелгьсынек тонь
здоров цера.

— Содавлиньгак мон тень кисэ
тон сыть,

Содавлиньгак мон тень кисэ
бажить,—

Лисевлинъ кить лангс, тонь
каршо, киска.

Лисевлинъ покш лангс вергизнъ
сельме.

Кирга парезэть сяngo
евкставлинъ,

Кискань седейзэть суро
тонговлинъ.

Те моронть морсесть
Чамзинка велесэ.

Сермадыа авань валсо.

Н. М. Симдянов.

Николай Симдянов

ЯКСТЕРЕАРМЕЕЦЭНЬ МОРО

Виреськак, виресь, килеень виресь,—
Виреськак, виресь,—кудрявнэ виресь.
Те вирьганть молить армияв цера,
Эх, ды те вирьганть молить богатырь—геройть.
Сынст морот гайги виреньт келева,
Сынст зэргест моли чувотне прява,
Покш мельсэ тече армияв молить
Эх, ды Якстере Армияв туить.
Сынть киштить, морыть весела цера,
Сынть шутить, ракить уцякав ломанть.
Кода а киштемс истямо шкане,
Эх, ды мекс а морамс паро эрямосо.
Цера тнень мельга вануть тейтерьтне.
Геройтнень мельга вануть мазыйтне.

Ай-авардить сынть, вай, морот морыть,
Эх, ды морыне марто службав провожить.
Аваст ды тетяст эйдтненень кортыть,
Аваст ды тетяст сыннен кармавтыть.
— Вансто, цера, тынь граничатнень,
Эх, ды вансто, тят, минек рубежтнень.
Шпионт, бандит тынь илядо нолда,
Илядо нолда, тынь сынст чаводо.
Тынь сынст чаводо шпионт-кискатнень,
Эх, ды бандит-шпионтнень, азаргадзтнень.
Виреськак гайги вайгельтнень истэ,
Лопатне сорныть колоннатнеде.
Виреньт куншкава од цера молить,
Эх, ды виреньт покш кива геройть эскедьить.

Фашистской разведчиктне колхозтнэсэ*)

Сень содазь, кодамо пек покш хозяй-
ственно политической значенизо ульнесь
моданть эйсэ вечной пользования кис
колхозтнэнь актнень максомань робо-
танть, вредительтне те тевентеньгак пут-
нияз эсистерудавов кедесть. Сынъ наме-
ренно тейнить неточность колхоз-
тнэнь гранест определения шкасто али
овси сынст а тешкстниль. Весе те
тейсь пек ламо спорт, конатнень реша-
монть вредительтне эрьва кода кирдыть,
ютавтниль сужаженств, одкс тейне-
мат. Эсь шкасто Ленинградонь кой кона
предприятияне ды учрежденияне юта-
втильть ламо капиталовложения кода
мерить подсобной хозяйстватнес, конатне
седейзэ а максниль каткавк резуль-
татт. Лангс таргавь, што тесэкс эсистер-
тестейтнень вредительтне. Ленинград-
ской областсэнтэ совхозтнэнь организо-
вамонь коряс Наркомземн комиссиянь
председателекс ульнесь П., сон кой-кона
совхозтнэнь максниль заведомо а маш-
товикс модат.

Социализмань масторонть каршо боро-
щамонь кодат гнусной средствас кундсить
троцкистско-бухаринской фашистской
агентнэ, неяви куш бу сеньстэ, кода

эсинзэ подлой тевензэ тейсь шпионтнэнь,
вредительтнень, диверсантнэнь ды маш-
ниятнень бандась, кона орудовась Ле-
нинградской областсэнь зыря районсо.

Те банданть прятокс ульнесь мате-
рой шпион С. Эшо 1921 иестэнтэ С.
омбо масторонь вейке разведкань зада-
ниянь коряс нелегально ютась СССР-нь
границань трокс. Обстановканы сон ку-
рок кармасть содамонзо, секс што рево-
люциядо икеле эрьсэ Россиясо. Аккли-
матизировалсь советской условиянесэ ды
сон эдесэ партианть раднэс. Сон пеле-
пес сюлмавозель троккистнэнь марто.
Зяро бути шкань ютазь С., двурушни-
чазь ды эсь принь маскировазь, кармасть
улема вейке предприятиасо парткомонь
секретарекс. Мейле сонзэ, прок ответ-
ственной работникенть, кучность вейке ро-
ботасто омбоцес.

1933 иестэнтэ сазь кой-кона комму-
нистнэнь кармасть улема подозрениясь те
субъектанть кувалт. Штобу сонзэ лангс
аволизь тарга, авольть карма содамо,
кие сон, С. тевс нолдась пек ловкой
трюк: партианть чисткань промксо сон
мерсь, што „кой-кона вопроствань ко-
рыс“ сон несогласен партианть полити-
канзо марто ды истямо ладсо сон по-
дозрениянь нолдызе ложной киява.

С-нь сазь партийной билетэнзэ мей-

ле каизь руководящей роботасто, но сон-
зэ алкуксонь лицанзо пеле-пес лангс
эзизь тарга. Сон сюлмавсь омбо масто-
ронь вейке разведкань лия агент марто
—О. троккистанть марто, кона мерсь,
што сон ашти подпольной троккистской
организациясо ды С-неньгак мерсь со-
вамс тоя. Разведчикесь, коначень теевсь
а покш авария, сексе жо тевс ютавтызе
эсинзэ коллеганть тердеманзо. Професси-
ональной шпионсь теке жо шкане кар-
масть улема троккистской организациянь
членэкс.

Омбо масторонь вейке разведкань
планонь коряс, кона согласованное
троцкистско-шпионской организациянь
марто, С. должен ульнесь се шкастонть
эсинзэ лангс саемс велесэ подрывной
роботань организовамонть. Сон должен
ульнесь содамс муемс контрреволюцион-
но настроенной домантнень ды сынст эй-
стэ теемс МТС-тнэсэ ды колхозтнэсэ вре-
дительской группат.

Районгэва якамонтнень эйстэ вейкенъ
шкасто С. вастсь икелень эсеранть К.
марто. С. уш содыль советской властен-
тень К-нь враждебной отношениянзо,
секс корнемась мольсь откровенно.
Сынъ курок согласясь ветиамс вейсэнъ
действия.

К-нь квартирасо С. вастсь эшо кавто
эсер марто, конат ульнесь контррево-

С-нень покш мельсэ макссть согласия
совамс троккистско-шпионской организа-
циянтень.

Эсь агентнэнь лангс нежедезь, С.
контрреволюционной элементтнэнь эйстэ
организовазь зыря колхозсо вредитель-
ской группат.

Вредительской неть группатнень участ-
никтне эрьва кода калавтыльть колхоз-
нэсэ трудовой дисциплинанть, салсильть
видмөн фондтнэнь, ветильть подрывной
робота.

Истя, примеркс, Белозерской райононь
вейке колхозонь правлениясь колхозной
кардонь строительствань коряс десяти-
кскс аравтызе некий Х-нь. Сон кар-
донть строизе вредительски. Строймонть
прядомадо ковонь ютазь кардонть кры-
шазо каладсь. Паро, што скотинатне се
шкастонть ульнесь лия таркасо.

Вредительтне ды шпионтне нолднильть
эрьва кодат кенгелямот ды организова-
кшнильть провокацият. Штобу сеземс те
колхозсонть лияназонь обработканть, Х.
тейсь изуверской вылазка. Сон эсинзэ
тейтертнень кармавтызе лияназонь чал-
гамонь шкасто нарамс сыре колхозни-
патнень черест. Ды вана производствен-
ной роботань виевстэ молемань шкастонть
ушодовсь колхозникатнень лангсо нарья-
монь дивой сцена. Теке марто бандитнэ

*) Пезэ, Ушодкосо ютась номерсэнтэ (сен-
тябрьн 21-це чи).

Тонавтыцятне покордыть тонавтницятненъ

Кабай велень средней школасо директорок кувать ульнесь троцкистской выродокось Чиряскин. Сон эрва кода бажась сеземс тонавтниманть, школав сакшныль кредьстэ. Преподавательтненъ ды тонавтницятненъ ютксо тейнесь аволь вадря отношений. Эрва кодамо валсо покордыть тонавтницятненъ.

Вражеской неть вылазкатне улить нейгак. Черчениянь преподавательс Шаргаев, кона эщо 1935 иестэ тейнесь антисемитизманъ вылазкат, ней сентябрынь 17-це чистэ 6-це „Б“ классонть урокто мейле сех а паро валсо грозьс тонавтницятненъ. Директоронъ нисъ Буйлина, кона тонавты ботаниканъ коряс, тонавтницятненъ эрва чистэ покорды площадной севномасо, эрвантень максни прозвищат ды лият. Матвеев преподавательс Н. С. Батейкин тонавтницятны школанъ садсонть покордызе сех гнусной валсо.

Пионер.

Дубенканъ район.

Редакциянтъ пельде. Заметкастонть невити, што Кабай велень школасонть те шкас яла Чиряскиненъ пуло-пелькстэ вить эсист гнусной тевест, сынъ тонавтницятненъ покордыть площадной валсо, конатненъ а кода сермадомскак. Кемдяно, што Дубенканъ РОНО-сь нейке жо вансынзе заметкасонть евтазь фактненъ ды прими сех кеме мерат, штобу путомс пе тонавтницятненъ лангсо вражеской наръгамонтень.

ТОНАВТНИТЬ КОЧКАМОНЪ ЗАКОНОНТЬ

Ромоданова. Красный Узел станциянь вагоно-ремонтной пунктонъ робочейтне ды служащейтне кармасть СССР-нь Верховной Советс кочкамотнеде закононтъ тонавтниме. Тонавтнимасонть руководстванть ветить Васильев ды Пономарев ялгатне.

Робочейтне макснить ламо гоп-рост, сынст сехте пек интересуют 6-це ды 3-це главатне, кочкамонъ участкатненъ тейнематне, кочки-пчатненъ спискатне, голосованьянь порядкас ды лият.

В. Ананьин.

Фашистской разведчиктнэ колхозтнэсэ (П Е З Э)

полдасть истямо куля: советской властес, келя, мерсь керямс черест весе колхозникатненъ, однтнэ ды сыретненъ, ды неть чертненъ максомс лияназонъ заготовканъ счестс.

С-нь банданть деятельностинь плантнэ истя жо ульнесь сеяк, штобу организовамс террористической актт местной советской ды партийной работниктнэ каршо, колхозтнэсэ икеле молдия ломантненъ каршо.

Гнь ды С-нь шпионско-вредительской бандатне чумондозь ды тапазь. Те а корты седе, што районтнэсэ, косо орудоваст неть шпионтнэ ды вредительтне, ней путозь пе омбо масторонъ разведкатненъ подрывной роботанть: районтнэсэ партийной ды советской организациятненъ икеле, честной эрва труженикентъ икеле ашти задача педепев таргсемс шпионско-вредительской корешокт-

Испаниянь фронтнэсэ

Оборонанъ испанской министерстванть кулянзо коряс, сентябрынь 19-це чистэ мятежиктнэ эцест Северной фронтонть чилисема ено частентень Онторианть ендю ды кармасть молеме Бенсуа возвышенностентень енов. Сентябрынь 20-це чистэ мятежиктнэ тейнесь атака Пиедрас Бланкас веленть лангс, яла теке сынст изнизь республиканской войскактне. Мятежиктнэнь ютксо ламот маштозь. Хихонанть маласо воздушной бойсэнтъ республиканской самолеттнэ правтсть фашистской кавто моторной вейке самолет.

Южной фронтсонть сентябрынь 20-це чистэ республиканской войскактне, атак вань маштозь. Хихонанть виев сопротивлениаст лангс, Пособланко секторсонть мошьс ике-лев 12 километрас. Южной фрон-

тонъ вить енс флангсонть республиканской войскактне занизь Гранха Торрермосанъ васень кудотненъ (Бадахос). Кавалериясь занизе кинть, кона сюлми те веленть Асуаганть марто (Бельмесанть эйстэ чи валгомав).

Схваткась ульнесь пек виев. Атаканть пингстэ тапазь мятежиктнэнь батальон.

Вальсекилио районсонть республиканской войскактне сентябрынь 20-це чистэ занизь Сиерра Техонерасо мятежиктнэнь меельце укрепленияст ды сайсть ламо пулеметт, винтовкат ды боеприпаст.

Фашистской 3 самолетт ерсть бомбат Масньо ошонть вельксс (Каталония), маштозь 5 ломанть, ранязь 35.

(ТАСС).

Китайсэ военной действиятне

Нанкинсэ положениасъ

Кода пачтить куля Шанхайстэ, японской авиациясонть Нанкинэнтъ (Китаень столица) предстоящей бомбардировкадо кулянтъ получамодо мейле, американской посольствасъ тусь оштонть. Истяжо овси прядовсь Нанкинстэ американской граждантинь эвакуациясь. Английской посольстванъ представителесъ яволятсь, што зярок шкас посольствасъ эщо кадови Нанкинс. Германской ды итальянской посольстватне эщо эсть прима окончательной решеният. Французской посольствасонть учить инструкцият Парижстэ. СССР-нь посольствасъ кадови Нанкинс.

Японской авиациясь тейсь зярыя од каявомат Нанкинэнтъ ды Китаень столицанть маласо лия пунктнэнь лангс. Нанкинэнтъ лангс ва-

сень каявомасъ ульнесь теезь сентябрынь 19-це чинь валскестэнтъ, каявкшность японской 46 самолетт, конатненъ ошонть маласо вастызь китайской 17 самолетт. Воздушной бойсэнтъ ды зенитной орудиятнэсэ леднемасонть правтозь японской 4 самолетт. Китаецтнэ емавтсть 2 самолетт. Японской 5 летчикт саеть пленс, 2 маштовсть.

Омбоце каявомасъ ульнесь теезь чить 3 чассто. Те каявомасонть примаст участия японской 21 самолетт, конатне ерсть зярыя бомбат ошонть южной частентень.

Сентябрынь 20-це чинь валскестэнтъ японецтнэ тейсть Нанкинэнтъ лангс колмоце каявома. Гражданской населениянтъ ютксо ламот маштозь.

(ТАСС).

ФРАНКО ГЕНЕРАЛОНТЕНЬ ИТАЛИЯНТЬ ЛЕЗКСЭЗЭ

Парижстэ кулянтненъ коряс Специя портсо (Генуинть эйстэ югсо, Италия) анокстэзь Испанияв кучомантень „Ломбардия“ итальянской покш судна. Те суднась маскировкань цельтненъ кисэ целанек красязь одов. „Ломбардиясь“ предназначен Франко генералонтень лезксэс итальянской зярыя тыщат солдатненъ ускоманъ туртов.

Сентябрынь 15-це чистэ Мирафиорисэ (Италия) авиационной лагерень командирэнтень максозь приказ 24 часонь перть анокстамс Испанияв мятежиктнэнь армиянтъ туртов 50 летчикень кучоманть. 300 ломантнэстэ ансяк 2 ломанть яволявтызь мелест туемс добровольна. Весе лиятне ульнесь лагерень начальникентъ ендю назначазь ды сеск жо кучозь Генуев.

(ТАСС).

Средиземной иневедьсэ англо- французской военной суднатненъ контролесъ

Париж. (ТАСС). Сентябрынь 20-це чистэ саеть, Средиземной иневедьсэнтъ должен ушодовомс контролесъ, конась аравтозь нионской соглашениясонть. „Пари Суар“ газетась теде сермады, што те контролентъ тевс ютавтомо весемезэ кармить 150 судат ды малав 100 гидросамолетт.

Нионской соглашениянтъ топавтоманзо туртов английской военной 5 судат течи веть кадызь Гибралтарентъ, сынъ тусть Средиземной иневедьсэ.

Артюшин калавтызе ОСО-нь организациянтъ

Кочкурованъ районсо сентябры ковто ютавтозь осовахиженъ организациянь районной конференция. Отчетной докладонтъ коряс кортасть 12 делегатт, конат лангс ливтизь райОСО-нь председателентъ — Артюшинэнь вредительской тевенез, кона „Ворошиловской стрелок“ значоконтъ лангс норматненъ максомо свал явшекшнесъ амаштовикс патронт.

Примеркс: Пакся Тавланъ организациянтень макснесъ 300 мелкокалиберной патронт, конат эсть маштово. Истяг случайтнеде ламо.

Артюшин сознательна эзь веть кодамояк работа, первичной организациясо вестькак арасель, секслиссь истя, што мелят ОСО-нь члентнэде райононъ келес лововкшныльте 600 члент, ней кадовсть 400 члент. „Ворошиловской стрелоконъ“ значокт получасть 20 ломань, нетненъгак пелест максозь блатонъ коряс. Вана райОСО-нь ревизионной комиссиянь председателесъ Быстров получасть значок норманъ атак максомо.

Учебной винтовкатненъ, противогазтнэнь ды лиятненъ ванстомась аравтозь пек беряньстэ: весе чемениязь, кисэст мелявтыця арась. Первичной организациянтень эзга контрреволюционной книгатне атак истожа, Артюшин тень коряс указания эзь макстне. Конференциясь Артюшинэнь роботасто панизе.

И. М.

ФИЗКУЛЬТУРНОЙ РОБОТАСЪ АРАВТОЗЪ ПАРСТЕ

Покш Березникень район. Шугурова велень средней школасонть парсте аравтозь физкультурной роботасъ. Физкультуранъ предметэнтъ преподавателесъ Паракишин эсь мельсэ организовизе тонатницятненъ ютксо ГТО-нь значокс норматненъ максоманть.

Колов.

Колсить физкультурной правилатненъ

Сентябрынь 19-це чистэ налксестъ футболсо Саранск—Куйбышев. Налксемасъ ютавтозь физкультурной правилатненъ колсезь.

Саемс Дороговонъ. Сон ульнесь судьякс, футболсо налксеманъ паксянтень лисць аволь футболистэнь формасо. Сентябрынь 21-це чистэ Саранск ошонъ физкультуранъ тевентъ коряс комитетэнь роботникесь—Болдов, зярдю налксестъ Саранскоень „Спартак“ командась ды Ковылкинанъ футболистнэ,—судьякс ульнесь гражданской формасо. Педагогической институтонъ физкультуранъ преподавателесъ Чесноков физкультурниктненъ марто ютавтни занятия галстуксо, гражданской костюмсо.

Истяг колсематнеде республиканть келес муят пек ламо. Неть асатыкшнэнь лангс физкультуранъ тевентъ коряс республиканской комитетэсь ваны прок тевтненъ а содыця. Мезеяк эзь тее сень кис, штобу авольте уле колсезь физкультурной правилатне.

Купер.

Шканъ отв. редакторосъ
Д. АДУШКИН.